

張崇 同品 趙克 任 教 申 屠 嘉
卽 饒 陸 賈 平 建 妻 政 有 好 通
淮 南 王 衛 山 王 洛 山 王
前 通 但 被 汪 光 息 大 躬
可 不 名 春 衛 惟 互 不 疑 周 仁 片 歌
文 王

42 — 47

張周趙任申屠傳第十二

漢 蘭 臺 令 史班固撰

唐正議大夫行祕書少監琅邪縣開國子顏師古注

賜進士出身前翰林院編修國子監祭酒加三級 臣王先謙補注

張蒼陽武人也補注先謙曰陽武河南縣今懷慶府陽武縣東南二十八里好書律歷秦時為

御史主柱下方書如淳曰方板也謂事在板上者也秦置柱下史蒼為御史主其事或曰主四方文書也師古曰

下云蒼自秦時為柱下御史明習天下圖書計籍則主四方文書是也柱下居殿柱之下若今侍立御史矣補注齊召南曰按柱下

史本周制而秦因之老子在周為柱下史是也沈約宋志侍御史於周為柱下史師古注若今侍立御史矣立字似衍文唐制侍御

史六人先謙曰如注謂有罪亡歸及沛公略地過陽武蒼已客從下脫書字集解引有

攻南陽蒼當斬解衣伏質師古曰質鎡也補注先謙曰史身長大記當斬上有坐法二字不可省

肥白如瓠時王陵見而怪其美士迺言沛公赦勿斬補注周壽昌曰王陵傳高

祖起沛陵亦聚數千人居南陽是雖未從沛公實同在南陽亦未與沛公為敵也或偶過沛公適見蒼被罪愛而為言以救之耳

遂西入武關至咸陽

補注先謙曰史記遂下有從字

沛公立為漢王入漢中還定

三秦陳餘擊走常山王張耳耳歸漢漢呂蒼為常山守從韓信擊

趙蒼得陳餘趙地已平漢王呂蒼為代相備邊寇已而徙為趙相

相趙王耳耳卒相其子敖復徙相代燕王臧荼反蒼呂代相從攻

荼有功六年封為北平侯食邑千二百戶

補注先謙曰官本無六年二字

遷為計

相文穎曰呂能計故號曰計相師古曰專主計籍故號計相補注

沈欽韓曰宋史職官志三司使通管鹽鐵度支戶部號曰計省

位亞執政目為計一月更呂列侯為主計四歲

張晏曰呂列侯典校郡國簿書如涓

曰呂其所主因呂為官號與計相同時所卒立非久施也師古曰

去計相之名更號主計補注劉攽曰四歲字本在黥布反上誤書

在此宋祁曰浙本一月作三月先謙曰史記四歲字亦在此是時

布以高祖十一年反是蒼為主計在八年又後封侯二年也是時

蕭何為相國而蒼迺自秦時為柱下御史明習天下圖書計籍又

善用算律歷故令蒼呂列侯居相府領主郡國上計者補注先謙曰周禮大

司徒以土會之法辨五地之物生注會計也以上計貢稅之法因

別此五者也唐書柳冕傳冕表言漢法三載上計以會課最史記

范睢傳三歲不上計注凡郡長論課殿最歲盡遣吏上計新序載
魏文侯時東陽上計錢布十倍大夫畢賀韓非子稱西門豹重斂
百姓期年上計文侯迎而拜之是黥布反漢立皇子長爲淮南王
古者上計以貢稅定其殿最也

而蒼相之十四年遷爲御史大夫

補注先謙曰淮南厲王傳黥布反上自將擊滅布卽立長爲王

合證高紀長王當在十二年公卿表高后八年淮南丞相張蒼爲御史大夫自高帝十二年至高后八年計十六年此四字當作六

周昌者沛人也其從兄苛

師古曰苛音何

秦時皆爲泗水卒史及高祖沛

起

補注錢大昭曰沛起二字當乙先謙曰官本作起沛

擊破泗水守監於是苛昌自卒史從

沛公

補注宋祁曰越本自作以校改以作自王念孫曰汪本從宋改耳景祐

本亦作以

沛公昌爲職志

應劭曰掌主職也鄭氏曰主旗志

爲客

張晏曰爲帳下賓客不掌官也補注沈欽韓曰猶戰國之客卿客將也

從入關破秦沛公立爲

漢王曰苛爲御史大夫

補注錢大昭曰公卿表苛自內史遷則苛曾爲內史

昌爲中尉漢三

年楚圍漢王滎陽急漢王出去而使苛守滎陽城楚破滎陽城欲

令苛將苛罵曰若趣降漢王不然今爲慮矣

師古曰若汝也趣讀曰促補注錢大昭曰

前漢四十二
慮當為虜先謙曰官本作虜今猶即也項羽怒亨苛漢王於是拜昌為御史大夫常

從擊破項籍六年與蕭曹等俱封為汾陰侯苛子成曰父死事封

為高景侯昌為人強力敢直言自蕭曹等皆卑下之師古曰下昌音胡駕反

嘗燕入奏事孟康曰以上宴時入奏事師古曰燕謂安閑之居也高帝方擁戚姬師古曰昌擁抱也

還走師古曰還謂卻退也高帝逐得騎昌項上問曰我何如主也昌仰曰陛

下即桀紂之主也於是上笑之然尤憚昌及高帝欲廢太子而立

戚姬子如意為太子大臣固爭莫得上已畱侯策止而昌庭爭

之強補注先謙曰庭字誤當從史記作廷上問其說昌為人吃師古曰吃言之難也音訖補注先謙曰官

本無音又盛怒曰臣口不能言然臣心知其其不可補注錢大昭曰南監本閩

本皆作然臣期期知其不可先謙曰官本同南監閩本史陛下欲

廢太子臣期期不奉詔師古曰呂口吃故每重言期期補注劉攽

為綦宋祁曰學官本云臣口不能言然臣期期知其不可漸本然

心知期期不可陛下欲廢太子臣期期不奉詔予据此則前之二

吃作其後之二吃乃可為期耳若云臣期知其不可又了無意矣

又顏注文元無每字王念孫曰顏說是也臣期知其不可又了無意矣

其不可也臣期期不奉詔臣不奉詔也期期乃吃者語急之聲本

無意義劉讀期為綦而訓為極臣極不奉詔斯為不詞矣先謙曰

通鑑胡注孔穎達疏釋詁讖汔也杜預云汔期也然則期字雖別

皆是近義言其近當如此史記周昌云云意亦與汔同案諸家之

說皆未當也期者必也左哀十六年傳期死非勇也杜注期必也

本書路溫舒傳溫舒引俗語曰畫地為獄議不入刻木為吏期不

對師古注期猶必也議必不入對是期之為必漢世恆言此文臣

心知期期不可心知必不可也他本不可也若期知人言不可臣

期期不奉詔臣必不奉詔也單言期語吃乃為期期耳劉胡二說

固非王氏乃以期期為語急之聲本無意義斯為謬矣劉當欲目

旺念孫云荀子王霸篇上欣然而笑即罷補注先謙曰史記作既

人注但云綦極也劉聲楚上欣然而笑即罷補注先謙曰史記作既

誤各本呂后側耳於東箱聽箱師古曰正寢之東西室皆曰箱言似

俱譌呂后側耳於東箱聽箱師古曰正寢之東西室皆曰箱言似

見昌為跪謝曰微君太子幾廢幾音鉅依反是後戚姬子如意

為趙王年十歲高祖憂萬歲之後不全也趙堯為符璽御史趙人

方與公孟康曰方與縣名公其號也師古曰音房豫補注周壽昌

徐公之類甚多謂御史大夫周昌曰君之史趙堯年雖少然奇士

不必為其號也謂御史大夫周昌曰君之史趙堯年雖少然奇士

君必異之

補注先謙曰異優待也

是且代君之位昌笑曰堯年少刀筆吏耳

補注先謙曰案正義古用簡牘書有錯繆以刀削之故號曰刀筆吏

何至是乎居頃之堯侍高祖高

祖獨心不樂悲歌羣臣不知上所已然堯進請問曰

補注王念孫曰景祐本間

作問宋祁曰問疑作問汪本從宋改念孫案原本作請問義自可通不當輒以意改也史記亦作請問先謙曰官本作請問亦引宋說此本請問疑後人因宋說改也陛下所為不樂非已趙王年少而戚夫人與呂

后有隙備萬歲之後而趙王不能自全乎高祖曰我私憂之不知

所出

師古曰不堯曰

陛下獨為趙王置貴彊相及呂后太子羣臣

素所敬憚者迺可高祖曰然吾念之欲如是而羣臣誰可者堯曰

御史大夫昌其人堅忍伉直自呂后太子及大臣皆素嚴憚之獨

昌可高祖曰善於是召昌謂曰吾固欲煩公

師古曰固必也

公彊

為我相趙

師古曰彊音其兩反次下亦同

昌泣曰臣初起從陛下

陛下獨奈何中道而棄之於諸侯乎高祖曰吾極知其左遷

師古曰是

時尊右而卑左故謂貶秩位爲左遷然吾私憂趙補注先謙曰史記有王字

皆類此補注先謙曰官本注位作任不可省念非公無可者公不得已師古曰已止也於是徙御史大夫昌

爲趙相既行久之高祖持御史大夫印弄之曰誰可昌爲御史大

夫者孰視堯曰無昌易堯師古曰言堯可爲之餘人不能勝也遂

拜堯爲御史大夫堯亦前有軍功食邑及昌御史大夫從擊陳豨

有功封爲江邑侯高祖崩太后使使召趙王其相昌令王稱疾不

行使者三反昌曰高帝屬臣趙王師古曰屬委也音之欲反王年少竊聞太后

怨戚夫人欲召趙王并誅之臣不敢遣王王且亦疾不能奉詔太

后怒補注先謙曰史記作高后患之迺使使召趙相相至謁太后太后罵昌曰爾

不知我之怨戚氏乎而不遣趙王昌旣被徵高后使使召趙王王

果來至長安月餘見鳩殺昌謝病不朝見三歲而薨諡曰悼侯傳

子至孫意有罪國除景帝復封昌孫左車爲安陽侯有罪國除初

趙堯既代周昌爲御史大夫高祖崩事惠帝終世高后元年怨堯前定趙王如意之畫師古曰畫謂畫策令周昌爲相迺抵堯罪補注先謙曰呂廣

阿侯任敖爲御史大夫

任敖沛人也少爲獄吏高祖嘗避吏吏繫呂后遇之不謹任敖素

善高祖怒擊傷主呂后吏及高祖初起敖呂客從爲御史守豐二

歲高祖立爲漢王東擊項羽敖遷爲上黨守陳豨反敖堅守封爲

廣阿侯食邑千八百戶高后時爲御史大夫三歲免孝文元年薨

補注先謙曰集解引徐廣曰文帝二年任敖卒駟案漢書敖孝文元年薨徐誤也正義案史表云孝文二年卒漢表又云封十九年

卒計高祖十一年封到文帝二年則十九年矣漢書誤裴氏不考乃云徐誤何其貳過也先謙案敖子敬以孝文三年嗣是敖二年

薨正義是此元字當正作二諡曰懿侯傳子至曾孫越人坐爲太常廟酒酸不

敬國除初任敖免平陽侯曹窋代敖爲御史大夫師古曰窋音竹律反高后

崩與大臣共誅諸呂後坐事免補注齊召南曰史記作窋不與大臣共誅呂祿等免以高后紀核之

竄行御史大夫事郎中令賈壽以灌嬰及齊楚合從告相國產竄
卽以其語馳告丞相太尉及呂祿已去北軍相國產欲入未央宮
作亂竄復馳語太尉則竄固非不與大臣共謀誅諸呂者也但代
邸上議羣臣列名卽云御史大夫臣蒼則孝文未立之前竄已罷
官矣其後賞功又不及竄意者史記所云固得其實乎不然卽不
與太尉丞相較功亦當與襄平典客共賞矣先謙曰不與者不與
其事也竄坐事免官在前及誅諸呂迎文帝時張蒼
已代任故賞蒼而不及竄說詳呂后紀此傳誤也

蒼爲御史大夫蒼與絳侯等尊立孝文皇帝四年代灌嬰爲丞相

漢興二十餘年天下初定公卿皆軍吏蒼爲計相時緒正律厯

曰緒尋也謂本呂高祖十月始至霸上故因秦時本十月爲歲首

不革謙師古曰革改也補注先推五德之運呂爲漢當水德之時上

黑如故補注先謙曰案正義引姚察云蒼是秦人猶用吹律調樂

入之音聲補注先謙曰及呂比定律令如淳曰比音比次之比謂

錯入呂定十二律之法令於樂官使長行之或曰比謂比方之比

音必履反臣瓚曰謂呂比故取類呂定法律與條令也師古曰依
如氏之說比音頻二反補注先
謙曰官本注或曰下無比字

若百工天下作程品如淳曰若順

物皆有尺寸斤兩斛斗輕重之宜使得其法此之謂順晉灼曰若
豫及之辭師古曰言吹律調音已定法令及百工程品皆取則也
若晉說是補注先謙曰高紀所謂張
蒼定章程也官本注是下有也字
至於為丞相卒就之師古曰卒終也

就成也故漢家言律厯者本張蒼蒼尤好書補注宋祁曰學官本尤

當從凡若從尤則師古當音好字作去聲浙本凡作尤王念孫曰
案作尤則與下文尤字重出作凡者是也景祐本亦作凡凡當讀

為汎上言汎好書故下言無所不觀無所不通而尤遂律厯尤遂
二字正對汎好言之好字仍當讀去聲不當讀上聲史記作蒼本

好書則讀去聲明矣陽夏公以好字師古無音而無所不觀無所
讀上聲非也上文張蒼好書律厯師古亦無音

不通而尤遂律厯師古曰遂深也音先遂反蒼德安國侯王陵師古曰已救其死刑故也及

貴父事陵陵死後蒼為丞相洗沐補注周壽昌曰休沐之日常先朝陵夫人上

食然後敢歸家蒼為丞相十餘年魯人公孫臣上書陳終始五德

傳師古曰傳謂傳次也音直戀反言漢土德時其符黃龍見當改正朔易服色事

下蒼蒼已為非是罷之其後黃龍見成紀於是文帝召公孫臣已

為博士草立土德時厯制度張晏曰已秦水德漢土勝之晉灼曰草創始也補注王鳴盛曰賈誼傳誼

以為漢宜改正朔數用五色上黃贊曰誼欲改定制以漢為土德其術已疏矣案秦人用水德本自譌舛不可承況五德取相生不取相剋即欲承秦為何以土勝之張蒼固非而公孫更元年補注

臣賈誼亦非也漢當為火德亦見荀悅漢紀第一卷注先謙曰又明年蒼由此自絀補注先謙曰官本絀作謝病稱老蒼

遂更為後元年蒼由此自絀補注先謙曰官本絀作謝病稱老蒼任人為中候張晏曰所選舉保任也按中候官名師大為姦利上

已為讓師古曰用蒼遂病免孝景五年薨諡曰文侯傳子至孫類補注先謙曰官本予作國類今本史記同集解引徐廣曰一作顓

音噴索隱單行本注案漢書作穀顓即穀也王念孫云本作顓或作顓並讀如聾聾之聾玉篇類音穀有罪國除初蒼父長不滿五

又音聾史表作預及類穀皆類之誤有罪國除初蒼父長不滿五

尺蒼長八尺餘蒼子復長八尺及孫類長六尺餘補注李慈銘曰史記蒼長八尺

餘下有為侯丞相四字長六尺餘下有蒼免相後口中無齒食乳坐法失侯四字此節去之則語意不明

女子為乳母師古曰言妻妾已百數嘗孕者不復幸年百餘歲迺

卒著書十八篇言陰陽律歷事補注周壽昌曰藝文志不載

申屠嘉梁人也已材官蹶張如淳曰材官之多力能腳踏疆弩張之故曰蹶張律有蹶張士師古曰今

之弩弓手張者曰擘張弓足踴者曰蹶張蹶音厥擘音布麥反補注錢大昭曰說文赴距也从走厶省聲漢令曰赴張百人蹶張即赴張從高帝擊項籍遷為隊率師古曰一隊之率也音所類反從擊黥布為都尉

孝惠時為淮陽守孝文元年舉故弓二千石從高祖者悉弓為關

內侯食邑二十四人補注錢大昭曰據本紀是三十人傳止二十四人未知孰是先謙曰官本作三十四人史

記與此同而嘉食邑五百戶十六年遷為御史大夫張蒼免相文帝弓

皇后弟竇廣國賢有行補注先謙曰廣國詳外戚傳欲相之曰恐天下弓吾私

廣國久念不可而高帝時大臣餘見無可者師古曰見謂見在之人補注周壽昌曰史

記作而高帝時大臣又皆多死餘見無可者餘者未死之餘人也刪又皆多死四字則餘字無根迺御史大夫

嘉為丞相因故邑封為故安侯補注齊召南曰故安縣屬涿郡漢初丞相俱以功臣已封列侯者為

之嘉本功臣而由關內侯為相則破格之事也後因丞相封侯嘉遂起於此先謙曰故邑前所食之邑在故安也在今易州東南嘉

為人廉直門不受私謁補注先謙曰當與袁盎傳參觀是時太中大夫鄧通方愛

幸賞賜累鉅萬文帝常燕飲通家其見寵如是補注宋祁曰越本無見字王念孫曰

見字蓋後人所加景祐本及羣書
治要所引皆無見字史記亦無
是時嘉入朝而通居上旁有怠

慢之禮嘉奏事畢因言曰陛下幸愛羣臣則富貴之至於朝廷之

禮不可已不肅師古曰肅敬補注先謙曰官本有也字上曰君勿言吾私之師古曰言欲私

戒教之補注先謙曰官本注戒教作教戒案私之謂愛之也呂覽

去私篇子人之所私也注私愛也離騷皇天無私阿兮注竊愛為

私顏謂私罷朝坐府中嘉為檄召通詣丞相府師古曰檄木書也長二尺不來

且斬通通恐入言上上曰汝弟往師古曰弟但也吾今使人召若師古曰若亦汝

也通至詣丞相府補注先謙曰至即詣也言至不當更言詣此詣字緣上文詣丞相府而誤衍羣書治要引無詣

字史記亦無免冠徒跣頓首謝嘉嘉坐自如師古曰謙曰史記不重嘉字是弗

為禮責曰夫朝廷者高皇帝之朝廷也通小臣戲殿上大不敬當

斬史今行斬之如淳曰嘉語其史曰今便行斬之補注周壽昌曰史記史作吏集解引如注亦作吏案百官志丞相

所屬有兩長史下文亦云朝罷謂長史似史字為是王文彬曰今猶即也史今行斬之史即行斬之也如不達今字之義於今下加

便字為訓轉屬贅文爾雅釋詁孫炎注即猶今也故今即轉相為訓上文吾今使人召若亦謂吾即使人召若也叔孫通傳郡守尉

今捕誅伍被傳臣今見麋鹿游姑蘇之臺也周昌傳今為虜矣通

頓首首盡出血不解上度丞相已困通師古曰度音徒各反使使持節召通

而謝丞相此吾弄臣君釋之補注宋祁曰浙本此字上有曰字君字下有其字先謙曰羣書治要引有

記亦有曰字史鄧通既至為上泣曰丞相幾殺臣師古曰幾音巨依反嘉為丞相五

歲文帝崩孝景即位二年鼂錯為內史補注先謙曰據公卿表景帝元年錯為內史此云即

即位二年者通即位時數之貴幸用事諸法令多所請變更補注先謙曰更音工衡反議曰適

罰侵削諸侯師古曰適讀曰謫而丞相嘉自絀師古曰絀退也所言不用疾錯錯

為內史門東出不便更穿一門南出南出者太上皇廟塋垣也服虔

曰宮外垣餘地也如淳曰塋音畏懦之懦師古曰塋音如椽反解在食貨志嘉聞錯穿宗廟垣為奏請

誅錯客有語錯錯恐夜入宮上謁自歸上師古曰歸首於天子至朝嘉請誅

內史錯上曰錯所穿非真廟垣迺外塋垣故宐官居其中師古曰宐謂散

輩也如今之散官音如勇反補注先謙曰史記宐誤他且又我使為之錯無罪罷朝嘉謂長

史曰吾悔不先斬錯乃請之

師古曰言先斬而後奏

為錯所賣至舍因歐血

而死諡曰節侯傳子至孫夷有罪國除自嘉死後開封侯陶青桃

侯劉舍及武帝時柏至侯許昌平棘侯辭澤武彊侯莊青翟商陵

侯趙周

補注周壽昌曰青高祖功臣陶舍子諡夷侯舍史記作舍功臣表舍父襄本項氏親賜姓劉此書表傳俱作舍史記

作舍者誤也舍諡懿侯昌許溫孫諡哀侯澤薛歐孫青翟莊不識孫周父夷吾為楚王戊太傅諫爭而死

皆曰列侯繼

踵躡躡廉謹

師古曰躡躡持整之貌也躡音初角反補注沈欽韓曰荀子王霸篇齟齬然上下相信注齟齬相迎也說文

齟齬相值也躡即齟齬之別體廣韻云躡廉謹也本此傳耳先謙曰齟齬與廉謹義不相副沈說非也史記作娒娒集解引徐廣曰

娒一作斷一作躡索隱娒音側角反漢書作躡躡一作斷義如尚書斷斷猗無他技先謙案說文無躡娒二字娒當為娒說文娒謹

也讀若謹敕數數大徐音測角切測角與側角初角同聲轉娒娒是此文當為娒娒與下廉謹義相應世俗以音同之字轉寫作娒娒復轉為齟齬齟齬即躡字形有移換耳今人斥人為齟齬即此

躡躡義也
作齟齬其作斷斷者又後人以躡躡為誤而改之耳

為丞相備員而已無所能發明功名著於世者

贊曰張蒼文好律歷為漢名相

師古曰文好律歷猶言名為好律歷也補注先謙曰史記作文學律

歷而專遵用秦之顓頊歷何哉張晏曰不考經典專用顓頊歷何哉師古曰何哉何為其然哉周

昌木強人也師古曰言其強直如木石然強音其兩反補注先謙曰官本直作質任敖已舊德用張晏

曰謂傷辱申屠嘉可謂剛毅守節然無術學殆與蕭曹陳平異矣

呂后吏
師古曰殆近也言其識見不如蕭曹等也

張周趙任申屠傳第十二終

漢書四十二